

2/26.2/73



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ



« 15 » 01 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0 0 1 0 - 2 1

Ձեռնարկողը՝ «Արբակ և որդիներ» ՍՊԸ

Գործունեությունը՝ Եղվարդ համայնքի Զովունի գյուղի S. Պետրոսյան 83/1
հասցեում բազմաբնակարան բնակելի շենքի կառուցման
շրջակա միջավայրի վրա ազդեցության նախնական
գնահատման հայտ
Կուրայքի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

Առդիր եզրակացությունը՝ 7 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ

ՓՈՐՁԱՔՆՆՈՒԹՅԱՆ

թիվ ԲՓ **0010-21**

< **15** > **01** 2021թ.

**Եղվարդ համայնքի Ջովունի գյուղի S. Պետրոսյան 83/1 հասցեում
բազմաբնակարան բնակելի շենքի կառուցման շրջակա միջավայրի վրա
ազդեցության նախնական գնահատման հայտ**

Ձեռնարկող՝

«Արբակ և Որդիներ» ՍՊԸ

Փաստաթղթի տեսակը՝

Շրջակա միջավայրի վրա ազդեցության
նախնական գնահատման հայտ

Գործունեության կատեգորիա՝ «Գ» կատեգորիա

Տեղադրման վայրը՝

Կոտայքի մարզ, Ջովունի գյուղ

Ներածական մաս «Արբակ և Որդիներ» ՍՊ ընկերության կողմից ներկայացված հայտով՝ նախատեսվում է Կոտայքի մարզի Եղվարդ համայնքի, Ջովունի գյուղի S. Պետրոսյան 83/1 հասցեում կառուցել «Արտ-հաուս» բազմաբնակարան բնակելի շենք (կառուցապատող՝ «Արկադա Քոնսթրաքշն» ՍՊԸ):

Գործունեությունն իրականացվելու է Եղվարդ համայնքի ղեկավարի կողմից տրամադրված 2020թ. հուլիսի 22-ի N170 ճարտարապետահատակագծային առաջադրանքի հիման վրա, անշարժ գույքի նկատմամբ սեփականության իրավունքի գրանցման վկայականով ամրագրված՝ 0.7734հա մակերեսով հողամասում, նպատակային նշանակությունը բնակավայրի է, գործառնական նշանակությունը՝ հասարակական կառուցապատման:

«Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի, 7) կետի ա. ենթակետի համաձայն նախատեսվող գործունեությունը Գ կատեգորիա է:

Նկարագրական մաս. Հողատարածքը գտնվում է բնակելի և հասարակական շենքերի հարևանությամբ, հարթ տեղանքով: Երկրաբանական տեսակետից տարածքը բարենպաստ է կառուցապատման համար: Գործունեության նպատակ



Համաձայն նախնական գնահատման հայտի, որպես շինհրապարակ դիտարկվելու է ամբողջ հողատարձքը:

Բացի շինարարական նորմերով տրված անվտանգության հրահանգներից, նախատեսվում է կազմակերպել անվտանգության նորմերի անհատական մոտեցումներ, հատկապես կապված կոունկի գործողության գոտում կատարվելիք շին. մոնտաժային աշխատանքների հետ: Բոլոր տիպի շին. մոնտաժային աշխատանքները կատարվելու են՝ պահպանելով շինարարական նորմերը, կանոնները, ստանդարտները և նախագծի տեխնիկական պայմանները: Աղմուկ առաջացնող աշխատանքներն իրականացվելու են երեկոյան օրվա ցերեկային ժամերին:

Շինհրապարակում բետոնի շաղախի պատրաստման հանգույց չի նախատեսվում: Բետոնի շաղախը մատակարարվելու է մասնագիտացված ընկերության կողմից:

Շինարարական աշխատանքների ընթացքում և շահագործման փուլում էլեկտրամատակարարումն իրականացվելու է համաձայն տեխնիկական պայմանի:

«Արտ Հաուս» բնակելի համալիրի գազամատակարարումն իրականացնելու համար կառուցապատողը կդիմի «Գազպրոմ Արմենիա» ՓԲ ընկերությանը՝ համապատասխան տեխնիկական պայման ստանալու համար:

Բնակելի համալիրի ջերմամատակարարման համար կաթսայատուն չի նախատեսվում, ջերմամատակարարումն իրականացվելու է անհատական՝ ջեռուցման կաթսաների միջոցով:

Բնառեսուրսներից օգտագործվելու է ջուր՝ տարածքների ջրցանի, հողի/գրունտի խոնավեցման և շինանձնակազմի խմելու կենցաղային նպատակների համար: Ընդամենը ջրօգտագործումը կկազմի 2188.62մ³/շին. ժամ: Ջրամատակարարումը իրականացվելու է գոյություն ունեցող ջրատարից՝ համաձայն «Վեոլի Ջուր» ՓԲԸ-ի կողմից տրված տեխնիկական պայմանի, իսկ կոյուղին կմիացվի համայնքային կոյուղատարին:

Բանվորական և ԻՏԱ անձնակազմի կոմունալ-կենցաղային կարիքները հոգալու համար շինհրապարակում կտեղադրվեն ժամանակավոր սանհանգույցներ, որոնք շինաշխատանքների ավարտից հետո կապամոնտաժվեն:

Շահագործման փուլում «Արտ-հաուս» բնակելի համալիրի համար նախատեսվում է 24 ժամյա խմելու ջրամատակարարման համակարգ: Ըստ տեխնիկական պայմանի, խմելու ջրամատակարարման համակարգը պետք է սնվի S. Պետրոսյան փողոցի N 83 տարածքի հարակից տարածքով անցնող ջրամատակարարման քաղաքային ցանցից: Միացման կետի հարակից տարածքում նախատեսվում է փականային հոր և ջրամատակարարման հոր՝ երկաթբետոնե հավաքովի էլեմենտներով: Խմելու ջրամատակարարման արտաքին ցանցը նախատեսվում է իրականացնել ստորգետնյա: Խմելու ջրամատակարարման ներքին ցանցի բաշխման համար շենքերի ստորգետնյա հարկերում նախատեսվում է խմելու ջրի պոմպակայաններ, իսկ կենցաղային կոյուղու համակարգը նախատեսվում է միացնել կենցաղային կոյուղու քաղաքային ցանցի S. Պետրոսյան փողոցով անցնող 500մմ խողովակին:



հեղեղատար կոյուղու համակարգի համար նախատեսվում է իրականացնել գծային անձրևընդունիչներ 20սմ լայնությամբ, որոնք կտեղադրվեն համաձայն տեղի հատակագծային լուծումների, բակային հատվածի ցածր նիշերում, ինրպես նաև նախատեսվելու են կետային անձրևընդունիչներ տանիքից իջնող կանգնակների տակ: Անձրևընդունիչներից հավաքված ջրերը 250մմ տրամագծի խողովակներով կտեղափոխվեն բակային ցանցի համակարգ:

Բնակելի համալիրի համար ներքին հակահրդեհային համակարգ նախատեսված չէ: Հակահրդեհային ջրամատակարարումը նախատեսվում է իրականացնել բնակելի համալիրի հարակից տարածքում գոյություն ունեցող հակահրդեհային հիդրանտից:

Համաձայն նախնական գնահատման հայտի շինարարական աշխատանքները տևելու են 36 ամիս, որի ընթացքում օգտագործվելու են շինարարական մեքենաներ և մեխանիզմներ՝ ավտոկռունկ, բետոնատար ինքնաթափ, եռակցման սարք, շարժական կոմպրեսոր, էքսկավատոր և այլն: Շինարարական հրապարակի մակերեսը կազմելու է 500մ², որտեղ հատուկ ծածկի տակ պահեստավորվելու են շինարարության համար անհրաժեշտ նյութերը, կայանվելու են շինարարության համար նախատեսվող համապատասխան շինտեխնիկան և այլն:

Բնակելի համալիրի նախագիծը ենթադրում է հողային աշխատանքների իրականացում: Ե/բ հիմքերի տեղադրման համար կատարվելու է մոտ 22700մ³ ընդհանուր ծավալով հողային զանգվածի հանույթ և 6800մ³ հետլիցք: Ավելցուկային 15900մ³ ծավալի հողային զանգվածը կտեղափոխվի համայնքի կողմից օրենքով սահմանված կարգով հատկացված վայր: Հողային ռեսուրսների պահպանության նպատակով շինարարական նյութերը տեղադրվելու են բետոնապատ մակերեսի վրա:

Շինարարական աշխատանքների ընթացքում առաջանալու են տարբեր տեսակի թափոններ՝ կենցաղային (700-800կգ) և շինարարական աղբ (800մ³): Շինարարական աղբն ամբողջությամբ տեղափոխվելու է տեղական ինքնակառավարման մարմինների կողմից հատկացված վայր, իսկ կենցաղային աղբը՝ մոտակա աղբավայր:

Շինարարական աշխատանքների ավարտից հետո նախատեսվում է տարածքի բարեկարգում և կանաչապատում, ինչն իրականացվելու է տարածաշրջանին և տեղի կլիմայական պայմաններին բնորոշ ծառաթփային բուսականությամբ: Համաձայն նախնական գնահատման հայտի տարածքում տնկվելու են 9 հատ թխկի, 9 հատ հացենի, 12 հատ գնդաձև ակացիա, 2 հատ եղևնի, սիզամարգ:

Կանաչ տարածքների ոռոգումը կատարվելու է ցնցուղային և ռոտորային ջրացրիչներով: Կանաչ տարածքների ոռոգման համար նախատեսվում է ոռոգման ցանցը միացնել ջրամատակարարման բակային ցանցին:

Համաձայն գնահատման հայտի տարածքում բուսահողի հզորությունը 10սմ է, ամբողջ հողամասում բուսահողի ծավալը գնահատվել է 300մ³ իսկ օգտագործումն իրականացվելու է ՀՀ-ում գործող օրենսդրության պահանջներին:



համապատասխան: Հողաբուսաշերտն օգտագործվելու է տարածքի
կանաչապատման նպատակով:

Նախատեսվող գործունեության ազդեցությունները հիմնականում կապված են լինելու՝ քանդման, փորման, բեռնման, հողային, բետոնային աշխատանքների, հողային զանգվածների և թափոնների տեղափոխման, նյութերի օգտագործման, շինարարական տեխնիկայի ու մեխանիզմների շահագործման, ճանապարհների ծանրաբեռնվածության, արտակարգ իրավիճակների առաջացման հետ:

Համաձայն նախնական գնահատման հայտի նախատեսվում են օդային ավազանի, հողային և ջրային ռեսուրսների աղտոտումից պահպանմանը, դրանց արդյունավետ օգտագործմանը, թափոնների կառավարմանը, աղմուկի մակարդակի ու արտակարգ իրավիճակների ռիսկերի նվազեցմանն ուղղված բնապահպանական միջոցառումներ, որոնք ներառված են միջոցառումների ծրագրում և մոնիթորինգի պլանում, այդ թվում՝

- շինարարության ընթացքում օդային ավազան փոշու արտանետումների քանակը նվազեցնելու նպատակով ջրցանի կատարում՝ օրական 2-3 անգամ,

- աղմկահարույց աշխատանքների իրականացումը հնարավորինս օրվա ցերեկային ժամերին,

- սորուն նյութերի պահեստների ծածկում՝ համապատասխան բարձրության թաղանթով,

- սորուն շինարարական նյութերի և հողային զանգվածի տեղափոխում՝ փակ ծածկով մեքենաներով,

- հեղուկ նյութերի պահումը հատուկ տակդիրների վրա՝ շրջակա միջավայր
հնարավոր արտահոսքերը բացառելու համար,

- վտանգավոր արտահոսքերի դեպքում անմիջապես կլանիչ նյութերով մաքրում,

- մեքենաների և տեխնիկայի լվացումը շինհրապարակից դուրս՝ համայնքում գործող մասնագիտացված կետերում,

- տեխնիկական միջոցների վառելիքի լիցքավորումը և յուղումն իրականացվելու է շինհրապարակից դուրս՝ լցակայաններում կամ սպասարկման կետերում,

- բոլոր մեքենաների վրա համապատասխան խլացուցիչների տեղադրում՝ աղմուկի մակարդակը նվազեցնելու նպատակով,

- քանդման և շինարարության ընթացքում թափոնների տարանջատումը շինհրապարակում,

- տնկված ծառերի և խոտածածկի խնամք և մոնիթորինգ,

- մթնոլորտային օդ արտանետումների (փոշի, CO, NOx և այլն) որակական և քանակական պարամետրերի պարբերական չափումներ՝ երեք ամիսը մեկ անգամ,

- օգտագործված յուղերով ու քսայուղերով հողերը հնարավոր աղտոտումից պահպանելու նպատակով հողերի մշտադիտարկում՝ երեք ամիսը մեկ անգամ,

- աղմուկի և թրթռումների մշտադիտարկումներ՝ երեք ամիսը մեկ հաճախականությամբ,



- շինարարության ընթացքում աշխատանքի անվտանգության և արտակարգ իրավիճակների կանոնների պահպանում և այլն:

Բնապահպանական միջոցառումների համար նախատեսվելու է տարեկան 350 հազ. դրամ, ամբողջ շինարարության ընթացքում՝ 1050 հազ. դրամ:

Պատճառաբանական եզրահանգումներ. համաձայն նախնական հայտի բազմաֆունկցիոնալ բնակելի համալիրը կառուցվելու և շահագործվելու է ՀՀ-ում գործող օրենսդրության և նորմատիվատեխնիկական փաստաթղթերի պահանջներին համապատասխան: Նախատեսվող գործունեությունն իրականացվելու է բնակելի և հասարակական շենքերի հարևանությամբ, հարթ տեղանքում: Երկրաբանական տեսակետից տարածքը բարենպաստ է կառուցապատման համար: Շրջակա միջավայրի վրա ազդեցությունները լինելու են շինարարության փուլում և կրելու են ժամանակավոր բնույթ: Հայտը լրամշակվել է նաև ստացված դիտողությունների և առաջարկությունների հիման վրա: Փորձաքննական գործընթացին ներգրավվել են առողջապահության, արտակարգ իրավիճակների, կրթության, գիտության, մշակույթի և սպորտի և պաշտպանության նախարարությունները, քաղաքաշինության կոմիտեն, Կոտայքի մարզպետարանը, շրջակա միջավայրի նախարարության «Հիդրոոդերևութաբանության և մոնիթորինգի կենտրոն» ՊՈԱԿ-ը: Օրենսդրությամբ սահմանված կարգով Երևան քաղաքի Ավան վարչական շրջանի ղեկավարի նստավայրում իրականացվել են հանրային քննարկումներ, ինչի ընթացքում հանրությունը դրական է արտահայտվել նախատեսվող գործունեության վերաբերյալ:

Փորձաքննական պահանջներ

- Մինչև գործունեության իրականացումն անհրաժեշտ է ՀՀ օրենսդրությամբ սահմանված կարգով ստանալ համապատասխան համաձայնությունները և թույլտվությունները:

- Շինարարական աշխատանքների իրականացման ընթացքում անհրաժեշտ է հետևել նախնական գնահատման հայտով ամրագրված բնապահպանական միջոցառումների կատարմանը, ժամանակացույցին, իսկ դրանց չբավարարման դեպքում՝ նախատեսել լրացուցիչ միջոցառումներ ուղղված բնապահպանական և շինարարական նորմերի պահպանմանը:

- Նախատեսվող շինարարական աշխատանքներն անհրաժեշտ է կատարել օրվա սահմանված ժամերին՝ հնարավորինս նվազագույնի հասցնելով բնակելի տարածքներում աղմուկի և ճանապարհների առավելագույն բեռնվածությունը:

- Նախատեսվող գործունեության իրականացման ընթացքում պահպանել արտակարգ իրավիճակների և աշխատանքի անվտանգության նորմերը:

- Շինարարական աշխատանքների ընթացքում առաջացող թափոնների կուտակումն ու հեռացումն անհրաժեշտ է իրականացնել ՀՀ օրենսդրությամբ սահմանված կարգով՝ համայնքապետարանի հետ համաձայնեցված:



- Բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:

- Նախատեսվող գործունեության իրականացման ընթացքում պահպանել քաղաքաշինական նորմերը և պահանջները:

- Անհրաժեշտ է ապահովել հայտում ամրագրված կանաչապատման աշխատանքների իրականացումը և խնամքը:

ԵԶՐԱՓԱԿԻՉ ՄԱՍ

«Արբակ և Որդիներ» ՍՊԸ կողմից ներկայացված Եղվարդ համայնքի Զովունի գյուղի S. Պետրոսյան 83/1 հասցեում բազմաբնակարան բնակելի շենքի կառուցման շրջակա միջավայրի վրա ազդեցության նախնական գնահատման հայտին տրվում է դրական եզրակացություն՝ փորձաքննական պահանջների պարտադիր կատարման պայմանով:

Գլխ.մասնագետ՝



Ա. Վարդանյան